

3-9 MAIU

RIKUSOIN HUSI BÍBLIA | NÚMEROS 27-29

“Halo tuir Jeová nia hahalok la todan ba sorin”

w13 15/6 p. 10 par. 14

Hafolin liután Jeová nia hahalok furak sira

¹⁴ Sira na'in-lima hakbesik ba Moisés no husu: “Tanbasá mak ami-nia aman nia naran tenkesér lakon tan de'it nia la iha oan-mané?” Moisés dehan ka lae, ‘Ukun-fuan ne'e metin ona no labele troka'’? Lae. Duké hatete hanesan ne'e, nia “lori sira-nia kazu ba Jeová”. (Núm 27:2-5) Oinsá Jeová hatán? Nia hatete ba Moisés: “Zelofeade nia oan-feto sira ko'alia loos. Ne'e duni, ó tenke fó ba sira rai nu'udar liman-rohan iha sira-nia aman nia maun-alin nia leet.” Maibé la'ós ne'e de'it, Jeová mós fó lei ba povu Israel liuhusi Moisés, hodi dehan: “Kuandu mane ida mate maibé la iha oan-mané, imi tenke entrega ninia liman-rohan ba ninia oan-feto.” (Núm 27:6-8; Jos 17:1-6) Husi tempu ne'ebá, feto Israel hotu ne'ebé hasoru situasaun hanesan ne'e hetan protesaun husi lei ne'e.

w13 15/6 p. 11 par. 15

Hafolin liután Jeová nia hahalok furak sira

¹⁵ Desizaun ne'e hatudu duni katak Jeová mak Maromak ne'ebé la todan ba sorin. Oan-feto na'in-lima ne'e la iha ema seluk atu ajuda sira, maibé Jeová hatudu respeitu ba sira, hanesan nia hatudu respeitu ba ema Israel sira seluk. (Sal 68:5) Bíblia iha mós istória barak ne'ebé hatudu katak Jeová la todan ba sorin ba ninia atan hotu.—1Sa 16:1-13; Aps 10:30-35, 44-48.

w13 15/6 p. 11 par. 16

Hafolin liután Jeová nia hahalok furak sira

¹⁶ Oinsá mak ita bele banati-tuir Jeová ne'ebé

la fihir ema? Hanoin-hetan katak la fihir ema envolve buat rua, hanoin no hahalok. Tan ne'e, ulukliu ita labele fihir ema iha ita-nia laran. Maski ita hotu hakarak hanoin katak ita la todan ba sorin, maibé dala ruma la fasil atu hatene ho loloos ita-nia laran. Oinsá mak ita bele hatene se ita loloos ema ne'ebé la fihir ema? Kuandu Jesus hakarak hatene ema seluk nia hanoin kona-ba nia, nia husu ba ninia kolega di'ak sira: “Ema sira dehan Oan-Mane ne'e sé loos?” (Mt 16:13, 14) Karik ita mós bele hakbesik ba ita-nia kolega ne'ebé ita tau fiar, hodi husu: ‘Ema haree ha'u nu'udar ema ne'ebé la todan ba sorin ka lae?’ Se ita-nia kolega hatete buat ruma ne'ebé hatudu katak ita todan ba sorin kona-ba nasaun, rasa, ka situasaun ekonomia, ita bele halo saida? Se nun'e, halo orasaun ba Jeová, no husu ninia ajuda atu hadi'a ita-nia hahalok hodi bele haleno liután ninia hahalok ne'ebé la fihir ema.—Mt 7:7; Kol 3:10, 11.

Ke'e no hetan buat murak husi Bíblia

it-2-E p. 528 par. 5

Sakrifisiu

Sakrifisiu hemu nian. Ema Izraél hasa'e sakrifisiu hemu nian hamutuk ho sakrifisiu seluk, liuliu kuandu sira tama ona iha rai ne'ebé Maromak promete. (Núm 15:2, 5, 8-10) Sakrifisiu ne'e husi tua no fakar iha altár nia leten. (Núm 28:7, 14; kompara ho Éx 30:9; Núm 15:10.) Apóstolu Paulo hakerek karta ba ema Kristaun iha Filipe: “Ha'u sai ona hanesan sakrifisiu hemu nian ne'ebé fui iha imi-nia sakrifisiu nia leten, . . . maski nu-ne'e ha'u kontente.” Iha eskritura ne'e Paulo uza ezemplu kona-ba sakrifisiu hemu nian atu hatudu katak nia pruntu atu fó ninia an tomak ba ninia maluk Kristaun sira. (Flp 2:17) Lakleur antes nia mate, nia hakerek karta ba Timóteo: “Ha'u sai ona hanesan sakrifisiu hemu nian ne'ebé fui daudaun iha

altár leten, no tempu atu ha'u sai livre besik loos ona.”—2Ti 4:6.

TREINU KONA-BA HAKLAKEN

w07-E 4/1 p. 17-18

Sakrifisiu sira ne'ebé halo Jeová kontente

Livru *The Mighty Aztecs* dehan katak: “Ema Aztek sira iha Amérika norte fiar katak moris nia hun mak mate. Sira iha toman hasa'e ema barak tebes nu'udar sakrifisiu.” Livru ne'e mós hatutan tan: “Nu'udar impériu ne'e sai boot liután, buat ne'ebé bele halo sira fiar an mak ema nia raan.” Referénsia seluk dehan katak tinan ida ema Aztek hasa'e ema na'in-20.000 nu'udar sakrifisiu.

Ba tempu naruk ema iha rai oioin hasa'e sakrifisiu oioin ba sira-nia maromak tanba sentimentu ta'uk no sentimentu fó sala ba sira-nia an. Klaru katak Bíblia mós ko'alia kona-ba sakrifisiu balu ne'ebé Jeová husu. Maibé ne'e hamosu pergunta: Sakrifisiu hanesan saida mak Jeová simu? No ohin loron presiza ka lae hasa'e sakrifisiu iha adorasau ne'ebé loos ba Maromak?

Sakrifisiu iha adorasau ne'ebé loos

Bainhira Jeová hili nasaun Izraél, nia fó matadalan ne'ebé klaru ba povu Izraél kona-ba oinsá sira sei serbí nia, no inklui hasa'e sakrifisiu ba nia. (Números, kapitulu 28 no 29) Buat ne'ebé sira uza nu'udar sakrifisiu mak husi sira-nia to'os, animál hanesan karau-aman, bibi-malae, bibi-timur, manu-pombu, no manu-lakateu. (Lev 1:3, 5, 10, 14; 23:10-18; Núm 15:1-7; 28:7) Iha mós sakrifisiu sunu nian ne'ebé sira tenke sunu tomak. (Éx 29:38-42) Iha mós sakrifisiu dame nian. Ema ne'ebé fó sakrifisiu ne'e mós partisipa hodi han parte balu husi buat ne'ebé nia hasa'e ba Maromak.—Lev 19:5-8.

Sakrifisiu hotu ne'ebé fó ba Maromak ne'ebé tuir Moisés nia Ukun-Fuan mak parte husi

ema Izraél nia adorasau ba Maromak no hatudu sira rekoñese katak nia mak nu'udar Ukun-Na'in. Liuhusi sakrifisiu sira hanesan ne'e mak povu Izraél hatudu sira-nia agrade ba Jeová nia protesaun no bensaun sira, no mós sira hetan perdua ba sira-nia sala. Durante sira laran-metin hodi halo tuir buat ne'ebé Jeová husu kona-ba adorasau ba nia, sira sei hetan bensaun ne'ebé barak. —Prv 3:9, 10.

Ba Jeová, buat ne'ebé importante liu mak ema nia hahalok. Liuhusi ninia profeta Oseias, Jeová hatete: “Tanba ha'u haksolok ho domin ne'ebé laran-metin, la'ós ho sakrifisiu, no ha'u haksolok ho koñesimentu kona-ba Maromak, la'ós ho sakrifisiu sunu nian ne'ebé hasa'e tomak.” (Os 6:6) Tan ne'e, kuandu nasaun ne'e fila kotuk ba adorasau ne'ebé loos no hatudu hahalok la di'ak hodi halakon ema ne'ebé la sala nia moris, buat ne'ebé sira hasa'e nu'udar sakrifisiu iha Jeová nia altár sei la iha folin. Tan ne'e mak liuhusi Isaías Jeová fó-hatene ba povu Izraél: “Ha'u hetan buat di'ak saida husi sakrifisiu barak ne'ebé imi hasa'e? Ha'u sai baruk ona ho bibi-malae aman no na'an bokur husi animál sira ne'ebé bokur, ne'ebé imi hasa'e nu'udar sakrifisiu sunu nian, no ha'u la kontente ho raan husi karau-aman, bibi-malae oan no bibi-timur.” —Isa 1:11.

10-16 MAIU

RIKUSOIN HUSI BÍBLIA | NÚMEROS 30-31

“Halo tuir Ita-nia promesa”

it-2-E p. 1162

Promesa

Ho hakarak rasik, maibé tenke kumpre. Promesa ne'ebé ema ida halo mak ho hakarak rasik. Maibé, bainhira ema ida halo

promesa, tuir Maromak nia ukun-fuan, nia tenke kumpre ida-ne'e. Liafuan Ebraiku iha Números 30:2 ne'ebé tradús nu'udar "nia la-bele kontra ninia liafuan ne'e", iha signifikadu katak "kesi metin nia moris". Ne'e hatudu katak ninia moris mak sai nu'udar garantia ba buat ne'ebé nia promete tiha ona. (Núm 30:2; haree mós Rom 1:31, 32.) Tanba ne'e envolve ninia moris rasik, ita bele kompren-de tanbasá eskritura sira husu atu kuidadu tebes antes halo promesa ruma, hodi tetu didi'ak buat ne'ebé ita tenke halo. Ukun-Fuan hatete: "Se imi jura ona ba Jeová, . . . Jeová, imi-nia Maromak, sei husu duni imi kumpre ida-ne'e; se lae, ne'e katak imi halo ona sala. Maibé se imi la jura, imi sei la hetan sala."—Deu 23:21, 22.

it-2-E p. 1162

Promesa

Promesa mak bainhira ema ida promete ba Maromak atu halo buat ruma, hasa'e sakrifisiu ka fó buat ruma, atu serbí nia iha dalan espesiál ruma, ka kontrola an atu la halo buat ruma ne'ebé ukun-fuan la bandu. Promesa mak liafuan ne'ebé ema ida fó sai tanba ho hakarak rasik. Tanba promesa mak buat ne'ebé sériu, promesa ne'e rasik iha folin hanesan ho juramentu, no dala ruma liafuan rua ne'e mosu iha tempu ne'ebé hanesan iha Bíblia laran.—Núm 30:2; Mt 5:33.

w04-E 8/1 p. 27 par. 3

Pontu importante husi livru Números

30:6-8—La'en Kristaun ida bele kansela ninia feen nia promesa ka lae? Ohin loron, Jeová haree ba ninia atan ida-idak nia promesa. Porezemplu dedikasaun ba Jeová mak promesa entre ema ida ho Jeová. (Gal 6:5) La'en ida la iha direitu atu kansela promesa hanesan ne'e. Maibé, feen ida tenkesér kuidadu atu la halo promesa ne'ebé kontra

Maromak nia Liafuan ka ninia knaar ne'ebé nia tenke halo ba nia la'en.

Ke'e no hetan buat murak husi Bíblia

it-2-E p. 28 par. 1

Jefte

Ema bele fó ema seluk atu hala'o serbisu sagradu ba Jeová iha fatin santu. No ne'e mak direitu ne'ebé inan-aman bele halo. Ezemplu kona-ba Samuel, ne'ebé ninia inan Ana halo promesa antes Samuel moris katak Samuel sei serbí iha tenda santu. No Ana nia la'en Elkana apoia promesa ne'e. Bainhira Samuel haketak ona susu, Ana fó Samuel atu serbí iha fatin santu. Iha tempu hanesan Ana mós lori ho animál nu'udar sakrifisiu. (1Sa 1:11, 22-28; 2:11) Ezemplu seluk mak kona-ba Sansão ne'ebé entrega atu hala'o serbisu ba Jeová nu'udar ema Nazireu ida.—Juí 13:2-5, 11-14; kompara ho aman ida nia direitu ne'ebé nia iha ba ninia oan-feto hanesan temi iha Núm 30:3-5, 16.

17-23 MAIU

RIKUSOIN HUSI BÍBLIA | NÚMEROS 32-33

"Duni sai ema hotu ne'ebé hela iha rai ne'e"

w10-E 8/1 p. 23

Hakarak hatene?

Saida mak "fatin aas" ne'ebé temi beibeik iha Eskritura Lian Ebraiku nian?

Kuandu ema Izraél besik ona atu tama ba rai ne'ebé Maromak promete, Jeová haruka sira atu halakon ema Kanaan nia fatin adorasau hotu. Maromak hatete: "Imi tenke . . . halakon sira-nia fatuk ne'ebé bahat ona no sira-nia státua hotu husi besi, no imi tenke harahun sira-nia fatin aas hotu ne'ebé lulik." (Núm 33:52) Karik ema Kanaan nia

fatin adorasaun sira mak iha foho-oan sira-nia leten, ka palku ne'ebé harii iha fatin oioin, porezemplu iha ai-hun okos ka sidade laran. (1Rs 14:23; 2Rs 17:29; Eze 6:3) Fatin adorasau sira-ne'e karik kompletu ho altár, fatuk lulik, estátua, insensu fatin, no sasán seluk ba adorasau nian.

w08-E 2/15 p. 27 par. 5-6

Aprende husi sala ne'ebé povu Izraél sira halo

Ohin lora, ita hasoru susar barak ne'ebé atu hanesan ho buat ne'ebé povu Izraél sira hasoru iha tempu uluk. Ema iha tempu modernu ohin lora adora buat barak, hanesan osan, artista, jogador, polítiku-na'in, uluna'in relijiaun ida, no karik família ida. Buat sira-ne'e bele sai importante liu fali iha itania moris. Haburas relasaun belun ho ema ne'ebé la hadomi Jeová bele estraga itania espiritualidade.

Sala seksuál mak parte importante iha adorasau ba Baal ne'ebé dada sees ona ema Izraél barak iha tempu ne'ebá. Ohin lora ema Kristaun barak mak monu ba lasu ne'ebé hanesan. Porezemplu, se ema ida la kuidadu, fasil ba nia atu haree pornografia kuandu nia mesak, tanba nia bele asesu ida ne'e liuhusi internét de'it no ne'e bele estraga nia konxiénsia. Triste tebes se ema Kristaun ida monu ba lasu ne'e.

it-1-E p. 404 par. 2

Kanaan

"Josué kumpre ho didi'ak mandamentu hotu ne'ebé Jeová fó sai ona ba Moisés" kona-ba halakon ema Kanaan sira. (Jos 11:15) Maibé povu Izraél la halo tui nia ezemplu di'ak no la halakon buat hotu iha sidade ne'e. Sira husik ema Kanaan moris hamutuk ho sira no ne'e lori influénsia aat ba povu Izraél, hanesan krime, hahalok la morál, no adora estátua. Ema barak tebes mak mate. Buat

sira-ne'e sei la akontese se sira halo tui madalan atu halakon hotu ema Kanaan. (Núm 33:55, 56; Juí 2:1-3, 11-23; Sal 106:34-43) Jeová fó avizu nanis ba povu Izraél katak nia tesi-lia sei la todan ba sorin no se povu Izraél habelun ho ema Kanaan, kaben ho sira, kahur sira-nia adorasau ba Jeová, no halo tui toman husi relijiaun falsu sira-ne'e, sira sei simu kastigu ne'ebé hanesan ho ema Kanaan no 'rai sei muta sai sira'. —Éx 23:32, 33; 34:12-17; Lev 18:26-30; Deu 7:2-5, 25, 26.

Ke'e no hetan buat murak husi Bíblia

it-1-E p. 359 par. 2

Fronteira

Depois halo tiha dada sorteiu atu deside área ida ba suku ida, tuirmai sei deside kona-ba medida ba rai ne'e tui boot ka ki'ik suku ne'e. "Imi tenke fahe rai ne'e hodi dada sorteiu atu sai nu'udar liman-rohan ba imi-nia família sira. Ba grupu ne'ebé boot imi tenke aumenta nia liman-rohan, no ba grupu ne'ebé ki'ik imi tenke hamenus nia liman-rohan. Ema ida-idak sei simu liman-rohan hodi tui rezultadu husi dada sorteiu. Imi sei simu imi-nia rai nu'udar liman-rohan tui imi-nia aman nia umakain." (Núm 33:54) Área ne'ebé deside ona liuhusi dada sorteiu sei vale nafatin, maibé bele iha mudansa kona-ba nia fronteira. Tan ne'e, kuandu rai ne'ebé suku Judá hetan mak boot liu, nia rai balu hamenus tiha no fó fali ba suku Simeão.—Jos 19:9.

TREINU KONA-BA HAKLAKEN

w09-E 10/1 p. 30, kaixa

Ema Kristaun bele envolve iha funu ka lae?

FUNU NE'EBÉ HETAN APOIU HUSI MAROMAK

Maromak hili nasaun Izraél tinan barak antes tempu Kristaun, no dala ruma nia haruka

sira atu forma tropa no halo funu. Antes tama rai-Kanaan, rai ne'ebé Maromak promete ba Abraão, Maromak hatete ba ema Izraél: "Jeová, imi-nia Maromak, sei entrega sira [nasaun hitu] ba imi, no imi sei manán sira. Imi tenke halakon tiha sira. Imi labele halo aliansa ho sira no labele hanoin sira." (Deu 7:1, 2) Tan ne'e, Josué ne'ebé dirije tropa Izraél halakon nasaun inimigu sira-ne'e hotu "tuir Jeová, Izraél nia Maromak nia mandamentu".—Jos 10:40.

Iha funu sira-ne'e ema Izraél sira la hatudu laran-sadi'a no kaan-teen atu halakon nasaun hotu no hadau nasaun sira hotu nia rai ka lae? Lae. Rai ne'ebé nasaun inimigu sira hela bá mak nakonu ho adorasau falsu, fakar ema nia raan, no hahalok ne'ebé la morál. (Núm 33:52; Jer 7:31) Tanba Maromak mak santu, justisa, no hadomi ninia povu, tan ne'e nia tenke hamoos hotu buat aat sira husi rai sira-ne'e. Maski nune'e, Jeová haree didi'ak ba ema ida-idak nia laran, no ema ne'ebé prontu husik sira-nia hahalok aat no adora fali Jeová bele kontinua moris. Ne'e mak buat ne'ebé ema baibain ne'ebé dirije funu ohin loron labele halo.

24-30 MAIU

RIKUSOIN HUSI BÍBLIA | NÚMEROS 34-36

"Buka protesaun husi Jeová"

w17.11 p. 9 par. 4

Ita buka daudaun protesaun husi Jeová ka lae?

⁴ Maibé oinsá ho ema Izraél ne'ebé oho ema la ho neon? Maski asidente mak halo ema ida mate, maibé ema ne'e sala nafatin tanba oho ona ema ne'ebé la halo sala. (Gén 9:5) Iha situasaun hanesan ne'e, Jeová dehan katak bele hatudu laran-sadi'a ba ema ne'e.

Nia bele halai husi vítima nia família no bá hela iha sidade protesaun nian. Maibé nia tenke hela iha sidade protesaun to'o amlulik boot mate atu nia bele hetan protesaun.—Núm 35:15, 28.

w17.11 p. 9 par. 6

Ita buka daudaun protesaun husi Jeová ka lae?

⁶ Se ema Izraél oho ema ida la ho neon, nia tenke halai ba sidade protesaun no "fó sai ninia kazu" ba katuas sira iha sidade nia portaun. Katuas sira tenke simu nia. (Jos 20:4) Liutiha tempu balu sira sei haruka fali ema ne'e ba katuas sira iha sidade ne'ebé nia oho ema atu hala'o tesi-lia. **(Lee Números 35:24, 25.)** Se katuas sira foti desizaun katak mate ne'e akontese tanba asidente de'it, sira sei haruka fali ema ne'e ba sidade protesaun.

w17.11 p. 11 par. 13

Ita buka daudaun protesaun husi Jeová ka lae?

¹³ Bainhira ema tama ba sidade protesaun, nia seguru ona, tanba Jeová hatete katak: "Sidade sira-ne'e sei sai nu'udar fatin protesaun nian." (Jos 20:2, 3) Jeová la husu atu hala'o tesi-lia dala ida tan ba ema ne'e kona-ba kazu ne'ebé hanesan. Vítima nia família mós la bele tama ba sidade ne'e atu oho ema ne'e. Bainhira nia iha ona sidade laran, nia hetan ona protesaun husi Jeová. Sidade protesaun la'ós hanesan **komarka**, tanba ema ne'e bele halo serbisu, fó ajuda ba ema seluk, no serbí Jeová ho hakmatek. Sin, ema ne'e bele moris ho kontente!

Ke'e no hetan buat murak husi Bíblia

w91-E 2/15 p. 13 par. 13

Sakrifisiu ida ne'ebé ba ema hotu

¹³ Jesus nia sakrifisiu la aplika ba Adão no Eva. Moisés nia Ukun-fuan mós temi

kona-ba prinsípiu: “Imi labele simu folin atu sosa fali ema ohodór ida nia moris se nia merese atu mate, tanba ema ne’e tenke hetan kastigu-mate.” (Núm 35:31) Satanás la bosok Adão tan ne’e ita bele dehan Adão halo sala ho ninia hakarak rasik. (1Ti 2:14) Ne’e hanesan nia oho ninia jerasaun tuir-mai tanba nia hatutan ninia sala ba sira no ikusmai mate. Klaru katak Adão tenke mate, tanba nu’udar ema ne’ebé perfeitu, nia ho hakarak rasik hili atu la halo tuir Maromak. Se Jeová aplika Jesus nia sakrifisiu ba Adão, ne’e kontráriu ho Jeová nia prinsípiu sira ne’ebé loos no justisa. Maibé, hodi selu fali tusan husi Adão nia sala, Adão nia jerasaun sira bele livre husi sala no mate! (Rom 5:16) Ita bele dehan iha dalan ne’ebé legál, rezultadu aat husi sala para kedas husi ninia hun tanba Jesus “koko mate ba ema hotu”, no simu konsekuénsia husi sala ba Adão nia bei-oan sira-nia di’ak.—Ebr 2:9; 2Ko 5:21; 1Pe 2:24.

31 MAIU–6 JUÑU

RIKUSOIN HUSI BÍBLIA | DEUTERONÓ-MIO 1-2

“Maromak mak ida-ne’ebé tesi-lia”

w96-E 3/15 p. 23 par. 1

Jeová hadomi lia-loos no justisa

Katuas sira iha kongregasaun hetan knaar atu tesi-lia ba kazu sira kona-ba sala ne’ebé sériu. (1Ko 5:12, 13) Bainhira sira halo ida-ne’e, sira presiza hanoin-hetan katak Jeová hakarak atu hatudu laran-sadi’a ba ema ne’ebé arrepende an. Maibé se la arrepende an ba sala ne’ebé sériu, labele mós hatudu laran-sadi’a. Maibé katuas sira sei la hasai ema ida husi kongregasaun tan de’it sentimentu odi ba ema ne’e. Sira hakarak ema ne’ebé hasai husi kongregasaun atu ar-

repende an. (Kompara ho Eze 18:23.) Hodi rekoñese katak Jesus mak ulun, katuas sira hakarak hala’o sira-nia knaar ho justisa, no ne’e inklui atu sai nu’udar “subar-fatin husi anin”. (Isa 32:1, 2) Tan ne’e sira tenke hatudu hahalok ne’ebé la todan ba sorin no la ulun-toos.—Deu 1:16, 17.

w02-E 8/1 p. 9 par. 4

Hakru’uk ba sira ne’ebé Maromak hili

4 Juís ida la’ós de’it tenke hatene kona-ba lei. Tanba la perfeitu, Izraél nia katuas sira tenke kuidaду atu kontrola hahalok ne’ebé la di’ak iha sira-nia laran hanesan, hanoin an de’it, todan ba sorin, no kaan-teen ne’ebé bele lori influénsia ba sira bainhira hala’o sira-nia knaar atu tesi-lia. Moisés hatete ba sira: “Imi labele todan ba sorin kuandu imi tesi-lia. Imi tenke rona ba ema ki’ik hanesan imi rona ba ema-boot. Imi labele sai ta’uk ba ema, **tanba imi tesi-lia hodi representa Maromak.**” Sin, Izraél nia juís sira tesi-lia hodi representa Maromak. Ne’e mak priviléjiu ne’ebé folin-boot tebes!—Deu 1:16, 17.

Ke’e no hetan buat murak husi Bíblia

w13 15/9 p. 9 par. 9

Ita bele tau fiar ba Jeová nia konsellu

9 Bainhira povu Israel komesa la’o iha rai-fuik maran ba tinan 40, Jeová la hatete oinsá mak nia sei proteje, tau matan, no fó matadalan ba sira. Maibé, liuhusi dalan oioin, Jeová hatudu katak sira bele tau fiar ba nia no ninia konsellu sira. Hodi uza koluna kalohan nian iha loron no koluna ahi nian iha kalan, Jeová fó-hanoin ninia povu katak nia sempre kuidaду sira nu’udar sira halo viajen ne’ebé susar. (Éx 40:36-38; Deu 1:19) Jeová mós sempre fó buat ne’ebé sira presiza. Bíblia hatete: “Sira la kuran buat ida. Sira-nia rouna la sai bosan, no sira-nia ain sei la moras.”—Ne 9:19-21.

TREINU KONA-BA HAKLAKEN

w13 15/8 p. 11 par. 7

Keta sai 'laran-nakali hasoru Jeová'

⁷ Ema seluk nia liafuan negativu mak bele book ita. (Lee Deuteronomio 1:28.) Hainoin to'ok kona-ba saida mak Jeová halo hodi hasai ema Israel husi rai-Egiptu. Nia fó malisan sanulu ba ema Egiptu no halakon Faraun ho ninia tropa sira iha Tasi Mean. (Éx 12:29-32, 51; 14:29-31; Sal 136:15) Ema Israel besik ona atu tama iha rai ne'ebé Jeová promete nanis ona. Maibé iha tempu ne'e mak sira komesa muramura hasoru Jeová. Tanbasá mak sira lakon lalais sira-nia fiar? Ne'e tanba espiaun na'in-sanulu mak lori fali informasaun ne'ebé ladi'ak, no ida-ne'e halo ema Israel sai laran-tun no ta'uk. (Núm 14:1-4) Rezultadu mak Jeová la husik sira tama iha "rai di'ak" ne'e. (Deu 1:34, 35) Ita bele aprende saida? Se ita rona ema seluk nia liafuan negativu, ita-nia fiar bele sai fraku, no ida-ne'e bele book ita atu muramura kona-ba dalan ne'ebé Jeová tau matan ba ita.

7-13 JUÑU

RIKUSOIN HUSI BÍBLIA | DEUTERONOMÍO 3-4

"Jeová nia ukun-fuan sira mak matenek no justisa"

it-2-E p. 1140 par. 5

Kumpriensaun

Ema ne'ebé badinas aprende no aplika Maromak nia Liafuan no Maromak nia ukun-fuan sira bele iha koñesimentu ne'ebé kle'an liu fali ninia mestre no bele komprende barak liu fali ema ne'ebé idade boot liu. (Sal 119:99, 100, 130; kompara ho Lc 2:46, 47.) Ne'e tanba koñesimentu iha ligasaun ho lei

no ukun-fuan sira ne'ebé moos husi Maromak; tan ne'e, se povu Izraél ho laran-metin halo tuir ukun-fuan sira-ne'e, nasaun viziñu sira sei haree sira nu'udar "povu ne'ebé matenek no iha kbiit atu komprende". (Deu 4: 5-8; Sal 111:7, 8, 10; kompara ho 1Rs 2:3.) Ema ne'ebé iha kbiit atu komprende rekoñese katak sira labele kontra Maromak nia Liafuan, sira hakarak hala'o sira-nia moris tuir Maromak nia Liafuan, no husu Maromak nia ajuda atu bele halo ida-ne'e. (Sal 119:169) Sira husik atu Maromak nia Liafuan sai abut ne'ebé metin iha sira-nia laran (Mt 13:19-23), hakerek ida-ne'e iha fuan-laran (Prv 3:3-6; 7:1-4), no odi tebes "dalan hotu ne'ebé sala" (Sal 119:104). Bainhira Jesus iha rai, nia hatudu ninia kbiit atu komprende hodi aplika buat sira-ne'e, no mós Jesus prontu atu mate iha ai-riin tanba nia hatene ne'e atu kumpre profesia ne'ebé hakerek nanis ona.—Mt 26:51-54.

w99-E 11/1 p. 20 par. 6-7

Bainhira laran-luak sai barak

Liurai-feto husi Sabá hakfodak tebes tanba buat ne'ebé nia rona no haree, no ho haraik an nia hatete: "Ksolok ba Ita-nia atan sira ne'ebé kontinua hamriik iha Ita-nia oin, tanba sira rona ba Ita-nia matenek!" (1Rs 10:4-8) Nia la dehan katak Salomão nia atan sira haksolok tanba rikusoin mak hale'u sira. Maibé, sira haksolok tanba sira iha oportunidade atu rona beibeik ba Salomão nia matenek husi Maromak. Liurai-feto ne'e nia ezemplu mak di'ak tebes ba Jeová nia povu ohin loron, ne'ebé hetan benefisiu barak husi Kriadór no Jesus Kristu nia matenek!

No haree to'ok saida tan mak liurai-feto ne'e ko'alia ba Salomão: "Fó hahi'i ba Jeová, Ita-Boot nia Maromak." (1Rs 10:9) Sin, nia haree katak Jeová mak fó ba Salomão

matenek no mós rikusoin barak. Ne'e tuir buat ne'ebé foun Jeová promete nanis ba povu Izraél. Maromak dehan: "Imi tenke halo tuir buat sira-ne'e ho didi'ak, tanba nasaun seluk ne'ebé sei rona kona-ba ukun-fuan sira-ne'e hotu sei haree katak imi iha matenek no iha kbiit atu komprende, no sira sei dehan: 'Nasaun boot ne'e mak povu ne'ebé matenek no iha kbiit atu komprende.'"—Deu 4:5-7.

w07-E 8/1 p. 29 par. 13
Ita "riku ba Maromak" ka lae?

¹³ Jeová sempre haraik bensaun ne'ebé di'ak liu ba ninia povu. (Tgo 1:17) Porezemplu, hela-fatin ne'ebé Jeová fó ba nasaun Izraél mak "rai ne'ebé iha susubeen no bani-been barak". Maski nasaun Ejitu mós iha susubeen no bani-been barak, maibé iha diferensa importante ida. Moisés dehan ba ema Izraél, ne'e mak "rai ne'ebé Jeová, imi-nia Maromak, tau matan ho didi'ak". Ne'e katak sira sei moris ho kontente liu tanba Jeová mak sei tau matan ba sira. Durante povu Izraél laran-metin ba Jeová, sira sei simu bensaun ne'ebé barak no goza moris ne'ebé di'ak liu fali nasaun sira seluk ne'ebé hale'u sira. Sin, Jeová nia bensaun mak "halo ema riku"! —Núm 16:13; Deu 4:5-8; 11:8-15.

Ke'e no hetan buat murak husi Bíblia

w04-E 9/15 p. 25 par. 3
Pontu importante husi livru Deuteronomio 4:15-20, 23, 24—Ukun-fuan kona-ba bandu atu la halo státua, ne'e katak labele mós halo dezeńu ka arte ruma nu'udar sasán atu enfeita ka lae? Lae. Ne'e ko'alia kona-ba bandu atu la halo státua sira atu uza ba adorasau, hodi 'hakru'uk ba sira no serbí sira'. Bíblia la bandu atu bahat státua ka dezeńu ne'ebé uza nu'udar enfeita. —1Rs 7:18, 25.

14-20 JUÑU

RIKUSOIN HUSI BÍBLIA | DEUTERONOMIO 5-6

"Treinu Ita-nia oan atu hadomi Jeová"

w05-E 6/15 p. 20 par. 11
Inan-aman, tau matan ba Ita-nia família nia presiza

¹¹ Kona-ba tópiku ne'e, karik eskritura ne'ebé ita sempre uza beibeik mak Deuteronomio 6: 5-7. Favór loke Ita-nia Bíblia no lee versikulu sira-ne'e. Eskritura dehan katak inan-aman mak tenke hametin uluk sira-nia espiritualidade, haburas sira-nia domin ba Jeová no rai didi'ak Maromak nia Liafuan iha sira-nia laran. Sin, inan-aman presiza estuda didi'ak Maromak nia Liafuan, lee Bíblia loroloron no medita didi'ak hodi nune'e inan-aman bele komprende no hadomi Jeová nia dalan, prinsípiu no ukun-fuan sira. Rezultadu mak, inan-aman sei sente kontente no hadomi liután Jeová tanba lia-loos sai buras ona iha sira-nia laran. Inan-aman sei iha buat di'ak barak ne'ebé bele fahe ba oan sira no rai didi'ak iha oan sira-nia laran.—Lc 6:45.

w07-E 5/15 p. 15-16
Oinsá bele ajuda oan hetan edukasaun ne'ebé loos?

Ema bele hatene saida mak importante ba ita, la'ós de'it liuhusi buat ne'ebé ita ko'alia, maibé mós liuhusi buat ne'ebé ita halo. (Rom 2:21, 22) Husi ki'ik kedas, oan sira aprende buat barak hodi haree tuir buat ne'ebé inan-aman halo. Dala barak oan sira haree buat ne'ebé importante liu ba sira-nia inan-aman mak sai nu'udar buat ne'ebé importante mós ba sira. Se inan-aman hadomi tebetebes Jeová, oan sira mós sei haree ida-ne'e. Porezemplu, se sira haree katak inan-aman gosta tebes lee Bíblia, sira sei rekoñese katak inan-aman tau uluk Maromak nia Ukun

iha sira-nia moris. (Mt 6:33) Se inan-aman tuir beibeik reuniaun no hola parte iha serbisu haklaken, sira sei haree katak buat ne'ebé importante liu ba inan-aman mak atu hahalo serbisu sagradu ba Jeová.—Mt 28:19, 20; Ebr 10:24, 25.

w05-E 6/15 p. 21 par. 14

Inan-aman, tau matan ba Ita-nia familia nia presiza

¹⁴ Hanesan temi iha Deuteronomio 6:7, inan-aman sira iha oportunidade barak atu ko'alia hamutuk ho oan kona-ba buat espirituál nian. Karik bainhira sai hamutuk, bainhira halo serbisu uma-laran nian hamutuk, ka bainhira tuur hamutuk, inan-aman bele buka oportunidade atu hanorin oan sira kona-ba buat espirituál nian. Klaru, inan-aman lalika hanorin oan sira hanesan fó diskursu ne'ebé naruk. Maibé, koko atu iha komunikasaun ne'ebé di'ak iha familia laran, liuliu kona-ba buat espirituál nian. Porezemplu, livru *Matan-moris bá!* hakerek informasaun ho topiku oioin. Bele uza informasaun sira husi livru ne'e atu hahu ko'alia kona-ba Jeová nia kriaun sira, fatin sira ne'ebé furak iha mundu ne'e, no buat furak oioin husi ita ema nia moris. Hodi hahu ko'alia kona-ba buat sira-ne'e bele book oan nia laran atu gosta lee ita-nia publikasaun sira ne'ebé atan laran-metin no matenek prepara ona mai ita.—Mt 24:45-47.

Ke'e no hetan buat murak husi Bíblia

w19.02 p. 22 par. 11

Domin no justisa iha Izraél antigu

¹¹ **Lisaun:** Jeová la haree de'it ba ema husi li'ur maibé nia haree ita ema oinsá loos iha laran. (1Sa 16:7) Ita labele subar ita-nia hanoin, sentimentu no hahalok husi nia. Nia gosta haree buat di'ak husi ita. No nia hakarak ita atu buka-hatene no kontrola ha-

noin sala antes ne'e hamosu hahalok sala. —2Kr 16:9; Mt 5:27-30.

21-27 JUÑU

RIKUSOIN HUSI BÍBLIA | DEUTERONOMIO 7-8

“Imi labele halo aliansa kaben nian ho sira”

w12 1/10 p. 15 par. 2

Tanbasá mak Maromak haruka nia atan sira atu kaben de'it ho maluk fiar-na'in?

Maromak Jeová hatene katak Satanás hakarak hafo'er Ninia povu hodi halo sira adora fali maromak falsu. Tanba ida-ne'e Maromak fó avizu ba ninia povu katak ema ne'ebé la adora nia 'sei halo sira-nia oan-mane atu la tuir nia, no sira sei serbí maromak seluk'. Se nasaun Israel monu ba sala hodi adora maromak seluk, Maromak sei la simu tan sira no nia sei la proteje ona sira. Se nune'e, sira-nia inimigu bele halakon sira no Mesias sei la bele mosu husi nasaun ne'e. Klaru katak Satanás iha razaun duni atu tenta ema Israel sira atu kaben ho ema ne'ebé la'ós fiar-na'in.

w15 15/3 p. 30-31

Konsellu kaben de'it “iha Na'i”

—Sei vale ka lae?

Maski nune'e, Jeová nafatin fó mandamentu mai ita atu kaben de'it ho ema ne'ebé iha Na'i. Tanbasá? Tanba nia hatene saida mak di'ak liu ba ita no nia hakarak proteje ita. Nia lakohi haree ita halo desizaun ne'ebé sala no ikusmai halo ita rasik mak la kontente no terus. Hanesan ne'e mak Neemias uza Salomão nia ezemplu ne'ebé ladi'ak hodi ko'alia ba ema judeu sira, tanba iha tempu ne'ebá, ema judeu barak mak kaben ho feto ne'ebé la adora Maromak. Salomão “nia Maromak hadomi nia, . . . maibé ninia feen husi rai seluk halo nia monu ba sala”. (Ne 13:23-26)

Tan ne'e mak Jeová hakarak ninia atan kaben de'it iha Na'i tanba nia hatene ida-ne'e mak di'ak ba ita. (Sal 19:7-10; Isa 48:17, 18) Ita agradese tebes ba Jeová tanba nia fó matadalan ne'ebé di'ak tebes hodi ajuda ita. No bainhira ita simu Jeová nu'udar ita-nia Ukun-Na'in, ita mós rekoñese katak nia mak iha direitu atu manda ita.—Prv 1:5.

w15 15/8 p. 26 par. 12

Kuidadu kona-ba ita-nia ransu iha loron ikus sira-ne'e

¹²Ema kristaun sira ne'ebé hakarak kaben presiza kuidadu tebes kona-ba ema ne'ebé sira ransu. Maromak nia Liafuan fó avizu ba ita: “Keta kesi imi-nia an hamutuk ho ema ne'ebé la'ós fiar-na'in. Basá oinsá mak hahalok loos bele liga ho hahalok aat? Ka oinsá mak naroman bele liga ho nakukun?” (2Ko 6:14) Bíblia hatete atu kaben de'it “iha Na'i”. Ne'e dehan katak ema ne'ebé dedika ona ninia moris ba Jeová, hetan ona batizmu, no moris tuir Jeová nia matadalan sira. (1Ko 7:39) Kaben ho ema hanesan ne'e sei ajuda ita atu laran-metin nafatin ba Jeová.

Ke'e no hetan buat murak husi Bíblia

w04-E 2/1 p. 13 par. 4

Jeová tau matan ba ita-nia presiza loroloron nian

⁴Ita-nia orasaun kona-ba ai-han loroloron nian fó-hanoin ita kona-ba ita-nia presiza ai-han espirituál nian loroloron. Maski Jesus hamlaha tebetebes tanba jejún ba tempu naruk, maibé nia kontra hasoru tentasaun husi Satanás atu halo fatuk sira sai paun. Jesus dehan: “Hakerek nanis ona: ‘Ema labele moris de'it ho paun, maibé ho liafuan hotu ne'ebé sai husi Jeová nia ibun.’” (Mt 4:4) Iha ne'e Jesus temi fali buat ne'ebé Moisés dehan ba povu Izraél: “[Jeová] treinu imi hodi sai haraik an no husik imi sai hamlaha no

fó maná ba imi atu han, ne'e mak ai-han ne'ebé imi seidauk hatene no imi-nia bei'ala sira mós seidauk hatene; nia halo nune'e atu imi hatene katak ema labele moris de'it ho paun, maibé moris ho liafuan hotu ne'ebé sai husi Jeová nia ibun.” (Deu 8:3) Jeová fó maná ba povu Izraél la'ós de'it atu sira bele han, maibé mós atu hanorin sira kona-ba buat espirituál nian. Porezemplu, Jeová harkuka sira atu ‘halibur ai-han ne'ebé natoon ba sira-nia an loroloron’. Se sira halibur barak demais iha loron ne'e, maná ne'ebé resin sei sai dois no ular. (Éx 16:4, 20) Maibé, ida-ne'e sei la akontese iha loron neen kuandu sira tenke halibur maná dala rua barak liu fali loron sira seluk atu taka sira-nia presiza iha loron Sábadu. (Éx 16:5, 23, 24) Entaun, maná fó-hanoin sira katak sira tenke halo tuir no sira-nia moris la'ós de'it depende ba ai-han isin nian maibé ba “liafuan hotu ne'ebé sai husi Jeová nia ibun”.

TREINU KONA-BA HAKLAKEN

w06-E 1/1 p. 28 par. 14-15

Buka hahalok loos sei proteje Ita

¹⁴Lakleur antes ema Izraél tama ba rai ne'ebé Maromak promete, Jeová fó avizu atu sira labele haluha kona-ba nia. Nia hatete: “Kuidadu bá atu imi la haluha Jeová, imi-nia Maromak, hodi la halo tuir tan ninia mandamentu, ukun-fuan no lei sira ne'ebé ha'u fó sai ba imi ohin. Bainhira imi han no sai bosu tiha no imi harii uma di'ak sira no hela ona iha laran, bainhira imi-nia karau no bibi sira sai barak no imi-nia osan-mutin no osan-mean aumenta, no imi hetan sasán barak, keta husik imi-nia laran sai foti an hodi halo imi haluha Jeová, imi-nia Maromak, ida ne'ebé lori imi sai husi rai-Ejitu, husi uma atan nian.”—Deu 8:11-14.

¹⁵Ohin loron ita mós bele haluha tiha Jeová ka lae? Sin bele se ita la tau uluk Jeová

vá iha ita-nia moris. Maibé se ita tau uluk Jeová nia hakarak, ita sei haree adorasaun ne'ebé loos mak importante liu iha ita-nia moris. Hanesan buat ne'ebé apóstolu Paulo hatete, ita sei 'uza didi'ak ita-nia tempu' no hala'o serbisu ba Jeová ho urjente. (Kol 4:5; 2Ti 4:2) Maibé, se ita tau uluk atividade halimar nian mak importante liu iha ita-nia moris duké tuir reuniaun no hakla-ken, ita bele de'it haluha tiha Jeová ka la halo Jeová mak sai nu'udar buat primeiru iha ita-nia moris. Paulo hatete katak iha lo-ron ikus sira, ema sei "hadomi de'it ksolok duké hadomi Maromak". (2Ti 3:4) Ema Kris-taun ne'ebé laran-moos sempre haree didi'ak ba sira-nia an katak sira sei la monu ba ha-halok hanesan ne'e.—2Ko 13:5.

28 JUÑU-4 JULLU

RIKUSOIN HUSI BÍBLIA | DEUTERONÓ-MIO 9-10

"Saida mak Jeová, imi-nia Maromak, husu ba imi?"

w09-E 10/1 p. 10 par. 3-4

Saida mak Jeová hakarak husi ita?

Saida mak motiva ita atu halo tuir Maromak ho laran? Moisés temi buat ida, hodi dehan: "Hamta'uk Jeová, imi-nia Maromak." (Versí-kulu 12) Ne'e la'ós sentimentu ta'uk tanba konsekuénsia ne'ebé la di'ak maibé senti-mentu hamta'uk tanba respeitu Maromak no ninia matadalan sira. Se ita hafolin no ham-ta'uk Maromak, ita sei hakarak atu halo nia kontente.

Maibé, saida mak buat primeiru liu ne'ebé tenke motiva ita atu halo tuir Maromak ho laran? Moisés hatete: "Hadomi nia [Jeová] no . . . serbí Jeová, imi-nia Maromak, ho imi-nia laran tomak no ho imi-nia moris tomak." (Versíkulu 12) Domin ba Jeová la'ós de'it

ho sentimentu. Referénsia ida esplika katak: "Liafuan Ebraiku kona-ba sentimentu dala ruma bele signifika hahalok ne'ebé ema ha-tudu tanba iha sentimentu." Referénsia ne'e mós dehan, domin ba Maromak katak **"halo** buat ruma ho domin" ba nia. Ne'e katak se ita hadomi duni Maromak, ita sei halo buat naran de'it hodi tuir dalan ne'ebé ita hatene katak sei halo nia kontente.—Prv 27:11.

w09-E 10/1 p. 10 par. 6

Saida mak Jeová hakarak husi ita?

Se ita halo tuir ho laran, ita sei simu ben-saun. Moisés hatete: "Halo tuir . . . ukun-fuan sira ne'ebé ha'u fó sai ba imi ohin, tanba ne'e ba imi-nia di'ak." (Versíkulu 13) Sin, Jeová nia mandamentu sira, buat hotu ne'ebé nia hakarak husi ita mak ba ita-nia di'ak. Ne'e klaru, loos ka lae? Bíblia dehan katak: "Maromak mak domin." (1Jo 4:8) Tan ne'e, nia fó de'it mandamentu sira ne'ebé lori kontente ba nafatin mai ita. (Isa 48:17) Hodi halo tuir buat ne'ebé Jeová husu mai ita, ne'e sei hamenus ita-nia estrese agora no ne'e sei lori ita ba futuru ne'ebé kapás iha Maromak nia Ukun okos.

cl-E p. 16 par. 2

Ita bele duni "hakbesik ba Maromak" ka lae?

² Abraão mak mane ida ne'ebé sente duni re-lasaun ne'ebé besik ho Jeová. Jeová temi Abraão nu'udar 'ninia belun'. (Isa 41:8) Sin, Jeová konsidera Abraão hanesan belun ida ne'ebé besik. Abraão bele sente relasaun ne'ebé besik tebes ho Jeová tanba nia "tau fiar ba Jeová". (Tgo 2:23) Ohin lora, Jeová buka oportunidade atu "hakbesik" ba sira ne'ebé serbí nia tanba hadomi nia. (Deu 10:15) Ninia liafuan dehan: "Hakbesik ba Ma-romak, no nia sei hakbesik ba imi." (Tgo 4:8) Liafuan sira-ne'e hanesan konvite no mós promesa mai ita.

Ke'e no hetan buat murak husi Bíblia

it-1-E p. 103

Ema Anac

Ema Anac rasa boot tebes, no hela iha área foho Kanaan no mós área ne'ebé besik tasi iha parte súl. Iha mós mane na'in-tolu husi ema Anac ne'ebé iha naran boot, Ahiman, Sesai, no Talmai ne'ebé hela iha Hebron. (Núm 13:22) Iha Hebron mak ema Ebreu nia espiaun na'in-12 dala primeiru hetan ema Anac, no sira na'in-10 ikusmai ható'o relatóriu kona-ba buat ne'ebé sira haree no

halo povu sira sente ta'uk. Sira dehan katak mane sira-ne'e mak jersaun husi ema Ne-filím no se kompara ho mane Ebreu sira, mane Ebreu sira mak hanesan “gafañotu de'it”. (Núm 13:28-33; Deu 1:28) Tanba ema Anac mak rasa boot, entaun ema uza sira atu halo komparasaun kuandu fó sai kona-ba mane isin-boot seluk husi ema Emim no Refaim. Karik tanba sira iha kbiit ne'ebé boot tan ne'e mosu lia-dadolin ne'ebé dehan: “Sé mak bele hamriik hasoru Anac nia oan-mane sira?”—Deu 2:10, 11, 20, 21; 9:1-3.

